

Vesperi praefectus 6 classis examinabit ex iis quae tradita fuerunt secundum praecepta Etymologiae die Lunae et Sabbathi: caeteris autem ex Latinis propositis conversum corriget. Praefectus 5 classis die Lunae et Sabbathi jubebit legi Graecam Grammaticam P. Rami, descriptasque pro exemplo flexiones corriget. Die autem Martis et Veneris ex iis quae explicata fuerunt Germanice, die Jovis e Germanicis Latine conversum corriget.

Arithmetica Latina hic communiter doceatur ex P. Ramo die Mercurii mane et octava.

In quarta et tertia classe.

Mane praefectus 4 classis die Lunae et Sabbathi Etymologiam Graecam: caeteris autem Rheticam Talaei. Praefectus autem 3 classis die Lunae et Sabbathi Syntaxin Graecam Rami, caeteris autem Dialecticam ejusdem tradet.

Hora 8 praefectus 4 classis die Lunae et Sabbathi communiter Xenophontis Cyropaediam, caeteris autem Orationem Ciceronis pro Marcello.

Hora 12 exerceatur Musica figurata communiter.

Hora I praefectus 3 classis die Lunae et Sabbathi Evangelium secundum Matthaeum Graece, reliquis diebus Aeneida Virgilii.

Vesperi die Lunae et Sabbathi examinabit uterque secundum praecepta. Die autem Martis ex iis quae proposita fuerunt aut ex Latino in Graecum, aut contra conversum, aut ex versibus resolutum, aut contra ex soluta et prosa oratione numeris astricatum emendaliit. Die Jovis autem praefectus 4 classis ex praelectis aut quod Rheticum jubebit simpliciter commutari aut contra etiam tractari. Praefectus 3 classis jubebit aut distingui quod praelectum ex Dialecticis, aut certe ex illis quaestionem explicari.

Die Mercurii mane et octava Geometria planorum communiter tradetur.

In secunda et prima classe.

Mane praefectus 2 classis die Lunae et Sabbathi Etymologiam Hebraeam ex Martinio, caeteris autem diebus Ethicam e Cornelio Valerio docebit. Praefectus autem 1 classis die Lunae et